



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 813. Usque Ad Annum 859

Fleury, Claude

August. Vind. [u.a.], 1760

VD18 90117867

§. 52. Translatio S. Liborii.

[urn:nbn:de:hbz:466:1-66103](https://nbn-resolving.org/urn:nbn:de:hbz:466:1-66103)

Sæculum IX.
A. C. 836.

§. LII.

Translatio S. Liborii.

Transl. S. Lib. ap. Sur. 23. Jul. p. 345. Sub idem tempus Badurado secundo Episcopo Paderbornensi, in cuius Diocœsi nova Corbeja erat, suam quoque Ecclesiam insignibus alicujus Sancti Reliquiis decorare curæ fuit. Nempe intelligebat Vir Sanctus, quam difficulter a superstitionibus majorum suorum abstrahi posset rudis populus, quæ sibi de Dei omnipotentia viri docti & Apostolici prædicabant non credens, nisi effectus ante oculos haberet, & beneficia acciperet sensibilia, quale est sanitas corporis prodigio recuperata; ejusmodi enim miracula in Translatione corporum Sanctorum Divinitus edi solebant. Itaque, in dicto jejunio, cum inter solemnes preces cum populo processisset ad Ecclesiam, Deo inspirante in Franciam ad Civitatem Cenomanensem viros mittere statuit, qui ab Episcopo (sedebat vero tunc Aldricus) Reliquias flagitarent. In hunc finem Baduradus impetratis a Ludovico Imperatore Litteris commendatitiis Legationem adornavit ex viris Clericis Laicisque, quorum princeps erat Presbyter, nomine Ido. Is ipse deinde hujus itineris commentarium conscripsit.

Hos

Hos igitur Delegatos Paderbornenses Sæculum IX.
 anno octingentesimo trigesimo sexto, In- A. C. 836.
 dictione decima quarta, vigesima octava
 Aprilis Cenomanum pervenientes Aldri-
 cus Episcopus perbenigne excepit, con-
 cessitque, quæ exoptabant. Altera die
 convocatis Clericis suis cum Davide
 Chorepiscopo edixit, videri sibi expedi-
 re, ut his Legatis traderetur Corpus S.
 Liborii inter Episcopos Cenomanenses
 quarti, cui, cum illam Ecclesiam annis
 quadraginta novem a tempore Constan-
 tini Magni usque ad Regnum Valenti-
 niani rexisset, S. Martinus parentave-
 rat. Non defuerunt Clerici, qui existi-
 marent, carissimas exuvias, magnum Ec-
 clesiæ Cenomanensis thesaurum, neuti-
 quam esse dimittendas; sed tandem con-
 sensu utcunque impetrato, cum Clericis
 suis & Legatis ad Ecclesiam duodecim
 Apostolorum extra muros Civitatis a S. Ju-
 liano primo Ecclesiæ Cenomanensis Epis-
 copo ædificatam, ubi ipsius & primorum
 Successorum suorum corpora quiesce-
 bant, processit. Inde corpus S. Liborii
 depromptum a Delegatis avehitur, Car-
 nuti a Bernuino Episcopo, Parisiis ab Er-
 chanrado & ubicunque transferebatur,
 honorifice excipitur. Hæc quoque Trans-
 latio plurimis miraculis inclaruit, tan-
 demque in Pentecoste, illo anno octin-

*Gest. Episc.
 Cenom. Ma-
 bill. to. 3.
 Annal. p. 66.*

Sæculum IX. A. C. 836. gentesimo trigesimo sexto in vigesimam octavam Maji incidente, Paderbornam perventum.

§. LIII.

S. Aldricus Cenomanensis.

Gest. to. 3.
Miscell. Ba-
luz. Boll. I.
p. 387.

Aldricus Episcopus Cenomanensis ex primis Francorum stirpibus ortus, & affinitate cum nobilissimis Saxonum, Alemannorum & Bavarorum familiis conspicuus, duodennis a Patre ad Regiam mittitur, inter Caroli Magni & Ludovici filii ipsius Clientes recipiendus, quibus & toti Aulæ carissimus fuit. Postquam autem piissimus adolescens per diem solita Principi obsequia præstitisset, noctu vigilabat, & in Ecclesia Sanctæ Virginis Aquisgrani secreto Psalmos recitabat. Quadam die pro more suo orans, cum jam ad annos pubertatis pervenisset, stimulos sensit internos, quibus incitabatur, ad relinquendum Sæculum, seque totum Dei Servitio mancipandum. At veritus, ne hæc Dæmonis esset illusio, per sex mensium spatium Deum ferventissimis precibus fatigavit, ut se de sua voluntate certiores faceret, cumque elapso illo tempore in concepto proposito se confirmatum existimaret, petit a Rege facultatem recedendi ab aula, quæ ægre impetrata, & concessa sibi atque duo-